

ხელშეკრულება სახელმწიფო შესყიდვის შესახებ № 352/30

ქ. თბილისი

19 დეკემბერი, 2018 წელი

მხარეები:

შემსყიდველი: ს.ს.ი.პ. „საქართველოს ეროვნული ბანკი“, პრეზიდენტის კობა გვენეტაძის სახით;

მისამართი: თბილისი, 0114, სანაპიროს ქ. N2;

საიდენტიფიკაციო კოდი: 203 824 148.

მიმწოდებელი: შპს „ფაუერ ით“, დირექტორის ალექსანდრე ძამაშვილის სახით;

მისამართი: ქ. თბილისი, მუხიანის მე-3 მ/რ, კორპ. 10, ბ. №1, ტელ: 599 567 234, 599 080 090;

ელ. ფოსტა: aleko.dzamashvili@gmail.com, sdzamashvili@gmail.com

საიდენტიფიკაციო კოდი: 200091532

საბანკო რეკვიზიტები: სს „ბანკი ქართუ“, კოდი: CRTUGE22, ა/ა: GE90CR0000000000063603.

ერთის მხრივ შემსყიდველი და მეორეს მხრივ, მიმწოდებელი „სახელმწიფო შესყიდვების შესახებ“ კანონის და მიმწოდებლის სატენდერო წინადადების საფუძველზე, ელექტრონული ტენდერის (სატენდერო განცხადება №SPA180007888) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

- 1.1. წინამდებარე ხელშეკრულების საგანს წარმოადგენს საქართველოს ეროვნული ბანკის სათაო ოფისისთვის მოდულური უწყვეტი კვების წყაროს სისტემის (Modular UPS System) თანმდევი მომსახურებით შესყიდვა (შემდგომში „საქონელი“) დანართი №1-ის, დანართი 2-ისა და ხელშეკრულების პირობების შესაბამისად (CPV კოდი: 31154000).
- 1.2. დანართი №1 და დანართი №2 თან ერთვით ხელშეკრულებას და წარმოადგენენ მის განუყოფელ ნაწილებს.

2. ხელშეკრულების შესრულების კონტროლი

- 2.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი, რომლის მიზანია სამუშაოს შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 2.2. ხელშეკრულების 2.1 პუნქტით გათვალისწინებულ კონტროლს შემსყიდველის მხრიდან განახორციელებენ სეზ-ის შესყიდვებისა და ლოჯისტიკის დეპარტამენტის უფროსი და/ან მის მიერ უფლებამოსილი პირები.
- 2.3. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

3. სამუშაოს მიღება ჩაბარების წესი

- 3.1. მიმწოდებელმა საქონლის მიწოდება უნდა განახორციელოს ერთიანად, თანმდევი მომსახურებით არაუგვიანეს 60 (სამოცი) დღისა ხელშეკრულების დადებიდან, შემდეგ მისამართზე: ქ.თბილისი, სანაპიროს 2, საქართველოს ეროვნული ბანკის სათაო ოფისი;
- 3.2. საქონელი მიღებულად ჩაითვლება, მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.
- 3.3. საქონლის მიღების შემდეგ ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 3.4. შემსყიდველის ვალდებულია დროულად აცნობოს მიმწოდებელს საბოლოო შემოწმების შედეგები წუნდების მიზეზის მითითებით.
- 3.5. შემსყიდველის მხრიდან 3.2 პუნქტში აღნიშნული მიღება-ჩაბარების აქტების ხელმომწერი პირია სეზ-ის შესყიდვებისა და ლოჯისტიკის დეპარტამენტის უფროსი.

4. ხელშეკრულების ფასი და ანგარიშსწორების წესი


- 4.1. წინამდებარე ხელშეკრულებით გათვალისწინებული საქონლის თანმდევი მომსახურებით ღირებულება შეადგენს 236,000.00 (ორას ოცდათექვსმეტი ათასი) ლარს („ხელშეკრულების ფასი“).
- 4.2. ხელშეკრულების ფასი მოიცავს სამუშაოს სრულყოფილად შესრულებისათვის საჭირო ყველა ხარჯსა და საქართველოს კანონმდებლობით დადგენილ ყველა გადასახადს.
- 4.3. ანგარიშსწორება ხორციელდება წინამდებარე ხელშეკრულების 3.2 პუნქტის შესაბამისად შესყიდვის ობიექტის მიღებიდან და მიმწოდებლის მიერ სათანადო დოკუმენტაციის წარმოდგენიდან (იმისდამხედვეთ რომელი უფრო გვიან მოხდება) არაუმეტეს 10 (ათი) სამუშაო დღის განმავლობაში.
- 4.4. დასაშვებია წინასწარი ანგარიშსწორება, არაუმეტეს ხელშეკრულების ფასის 50%-ის ოდენობით. ასეთ შემთხვევაში, მიმწოდებელი ვალდებულია წარმოადგინოს წინასწარ გადასახდელი თანხის იდენტიური ოდენობის საბანკო გარანტია, რომელიც ძალაში იქნება საქონლის თანმდევი მონტაჟით მიწოდების საბოლოო ვადის გასვლიდან სულ მცირე 30 (ოცდაათი) დღის განმავლობაში.

5. მხარეთა უფლება-მოვალეობები

- 5.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას მიწოდებული საქონელი.
- 5.2. შემსყიდველი ვალდებულია გადაუხადოს მიმწოდებელს ფაქტიურად მიწოდებული საქონლის ფასი ხელშეკრულებით გათვალისწინებული პირობების შესაბამისად.
- 5.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს შემსყიდველს ხელშეკრულებით გათვალისწინებული საქონელი.
- 5.4. მიმწოდებელს უფლება აქვს მიწოდებული საქონლის სანაცვლოდ მიიღოს ხელშეკრულებით გათვალისწინებული ფასი.

6. ხელშეკრულების უზრუნველყოფის საბანკო გარანტია.

- 6.1. ხელშეკრულების შესრულების უზრუნველყოფის მიზნით მიმწოდებლის მიერ



წარმოდგენილია 2018 წლის „18“ „დეკემბერის“, სს „ბანკი ქართუს“ მიერ გაცემული საბანკო გარანტია #6263-12/18, თანხაზე 4720,00 (ოთხი ათას შვიდას ოცი) ლარი.

6.2. აღნიშნული გარანტია გამოიყენება:

6.2.1 ნებისმიერი ზიანის ანაზღაურების მიზნით, რომელიც მიადგება შემსყიდველს მიმწოდებლის მიერ, მათ შორის ხელშეკრულების პირობების შეუსრულებლობის ან არაჯეროვნად შესრულების მიზეზით, ხელშეკრულების მე-7 მუხლით გათვალისწინებული პირგასამტეხლოს გამოყენების შემთხვევებში, შემსყიდველის ინიციატივით ხელშეკრულების გაწყვეტის შემთხვევაში;

6.2.2 მიმწოდებლის ინიციატივით მისგან დამოუკიდებელი მიზეზების არარსებობის, ხელშეკრულების დაუსაბუთებლად, გაწყვეტის შემთხვევაში.

6.3. ხელშეკრულების შესრულების უზრუნველყოფის გარანტიის მოქმედების ვადა სულ მცირე 30 (ოცდაათი) დღით უნდა აღემატებოდეს საქონლის თანმდევი მომსახურებით მიწოდების საბოლოო ვადას.

7. მხარეთა პასუხისმგებლობა ხელშეკრულების პირობების შეუსრულებლობისათვის

7.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, შემსყიდველი უფლებამოსილია დააკისროს მას პირგასამტეხლო ხელშეკრულების ფასის 20%-ის ოდენობით.

7.2. მიმწოდებლის მიერ ხელშეკრულებით ნაკისრი ვალდებულებების არაჯეროვნად ან დაგვიანებით შესრულების შემთხვევაში, შემსყიდველი უფლებამოსილია დააკისროს მას პირგასამტეხლო შეუსრულებელი ვალდებულების 0,02%-ის ოდენობით, ყოველი ვადაგადაცილებული დღისათვის.

7.3. საჯარიმო სანქციების გადახდა შესაძლებელია მოხდეს მიმწოდებლისთვის ასანაზღაურებელი თანხიდან გამოქვითვის საშუალებით.

7.4. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველ ვადაგადაცილებულ დღეზე გადასახდელი თანხის 0,02%-ის ოდენობით.


7.5. საჯარიმო სანქციების გადახდა არ ათავისუფლებს არცერთ მხარეს ძირითადი ვალდებულებების შესრულებისაგან.

7.6. იმ შემთხვევაში, თუ 7.2 პუნქტში აღნიშნული ვადაგადაცილება მიაღწევს 15 დღეს, შემსყიდველს უფლება აქვს ცალმხრივად შეწყვიტოს ხელშეკრულება მიმწოდებლის მიერ ვალდებულებების შეუსრულებლობის მოტივით. ამ შემთხვევაში გამოყენებული იქნება 7.1 პუნქტით გათვალისწინებული სანქციები.

8. გარანტია

8.1. მიმწოდებელი იძლევა იმის გარანტიას, რომ მის მიერ გადაცემული საქონელი იქნება შესაბამისი ტექნიკურ მოთხოვნებთან და შესაფერისი იმ მიზნისათვის, რომლისთვისაც ის არის გათვალისწინებული და იმუშავებს სრულიად გამართულად.

8.2. UPS-ის სისტემის და სამონტაჟო სამუშაოების სრულფასოვნად ფუნქციონირების საგარანტიო ვადა შეადგენს 4 წელს მიღება-ჩაბარების აქტის გაფორმების დღიდან, რომლის განმავლობაშიც საქონლის მწყობრიდან გამოსვლის შემთხვევაში მიმწოდებელი ვალდებულია საკუთარი ხარჯებით აღმოფხვრას ყველა გამოვლენილი



უწესიკრობა შემსყიდველისგან შეტყობინების მიღებიდან არაუგვიანეს 48 საათისა, ხოლო უწყვეტი კვების წყაროს ან მისი კომპონენტის/მოწყობილობის დაზიანების შემთხვევაში შეცვალოს წუნდებული საქონელი ან სხვა კომპონენტი/მოწყობილობები შეტყობინების მიღებიდან არაუგვიანეს 30 დღისა.

- 8.3. მიმწოდებელს ევალეზა დამატებითი ანაზღაურების გარეშე განახორციელოს სისტემის ტექნიკური მომსახურება (სულ მცირე სამ თვეში ერთხელ) 5 (ხუთი) წლის განმავლობაში მიღება-ჩაბარების აქტის გაფორმებიდან. ტექნიკური მომსახურება გულისხმობს სისტემის ინსპექტირებას, ტესტირებას, აღმოჩენილი ხარვეზების და უწესიკრობის აღმოფხვრას(საგარანტიო პერიოდში - მარაგნაწილების ჩათვლით) მათი ტექნიკური მდგომარეობის შესახებ დასკვნის ან შესაბამისი რეკომენდაციების გაცემას.
- 8.4. გარანტიის მოქმედების პერიოდში მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები ექსპლუატაციის პროცესში წარმოშობილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება.

9. კონფიდენციალურობა და ინფორმაციული უსაფრთხოება

- 9.1. მიმწოდებელი იღებს ვალდებულებას დაიცვას ამ ხელშეკრულების ფარგლებში შემსყიდველის მხრიდან მიღებული კონფიდენციალური ინფორმაციის კონფიდენციალურობა.
- 9.2. მიმწოდებელი იღებს ვალდებულებას შემსყიდველის წინასწარი წერილობითი თანხმობის გარეშე არ გაამჟღავნოს ან გახადოს ხელმისაწვდომი ნებისმიერი ფორმით და ნებისმიერი სახით კონფიდენციალური ინფორმაცია მესამე პირებისათვის ან განიხილოს მესამე პირთან ასეთი კონფიდენციალური ინფორმაციის შინაარსი. მიმწოდებელს შეუძლია ასეთი კონფიდენციალური ინფორმაცია შემსყიდველის წინასწარი წერილობითი თანხმობის გარეშე გასცეს საკუთარ თანამშრომლებზე და მხოლოდ იმ თანამშრომლებზე და იმ მოცულობით, რაც საჭიროა მათი მხრიდან ფუნქციების შესასრულებლად.
- 9.3. მიმწოდებელმა უნდა უზრუნველყოს, ამ მუხლის შინაარსის თავისი თანამშრომლებისთვის გაცნობა და კონფიდენციალურობის მოთხოვნების მკაცრი დაცვა.
- 9.4. მიმწოდებელი უფლებამოსილია მიაწოდოს კონფიდენციალური ინფორმაცია მის ქვეკონტრაქტორებს, რათა მათ შეასრულონ სამუშაოსთან დაკავშირებული ვალდებულებები. კონფიდენციალური ინფორმაციის მიწოდებამდე ქვეკონტრაქტორებმა მიმწოდებელთან უნდა დადონ კონფიდენციალური ინფორმაციის არ გამჟღავნების შესახებ შეთანხმება, რომელიც შესაბამისობაში იქნება წინამდებარე მუხლთან.
- 9.5. ამ მუხლის 9.6 პუნქტის დაურღვევლად, წინამდებარე მუხლით გათვალისწინებული ვალდებულებები ინარჩუნებენ იურიდიულ ძალას ხელშეკრულების შეწყვეტის შემდეგაც.
- 9.6. იმ შემთხვევაში, თუ ხელშეკრულების ორივე მხარე შეთანხმდება ამ მუხლით გათვალისწინებული ვალდებულებების შეწყვეტაზე, მხარეებმა ერთმანეთს უნდა



- დაუბრუნონ ყველა ის კონფიდენციალური ინფორმაცია, რაც მათ მიიღეს წინამდებარე ხელშეკრულების ფარგლებში ან შეთანხმებით გაანადგურონ ის.
- 9.7. მომწოდებელი ვალდებულია დაიცვას შემსყიდველის შესახებ ინფორმაციასთან (შემდგომში: ინფორმაცია) დაკავშირებით ISO/IEC 27001 სტანდარტით განსაზღვრული, ქვემოთ მოცემული მოთხოვნები:
- ა) მომწოდებელი ვალდებულია სეზ-ის მიერ ელექტრონულ ფორმატში მიწოდებულ ინფორმაციაზე განახორციელოს ლოგიკური ან ფიზიკური წვდომის კონტროლი, რათა არ დაირღვეს ინფორმაციის კონფიდენციალობა, ხელმისაწვდომობა და მთლიანობა.
 - ბ) მომწოდებელი ვალდებულია სეზ-ის მიერ მატერიალური ფორმით მიწოდებული ინფორმაცია შეინახოს უსაფრთხოდ, რათა არ დაირღვეს ინფორმაციის კონფიდენციალობა, ხელმისაწვდომობა და მთლიანობა.
 - გ) მომწოდებელი ვალდებულია წინამდებარე სახელშეკრულებო ურთიერთობის დასრულებიდან უმოკლეს ვადებში, ელექტრონული ან/და მატერიალური სახით არსებული კონფიდენციალური ინფორმაცია, გაანადგუროს ისე, რომ არ მოხდეს მისი აღდგენა, რათა არ გახდეს ხელმისაწვდომი არავტორიზებულ პირთათვის.

10. ხელშეკრულებაში ცვლილების შეტანა და ხელშეკრულების შეწყვეტა

- 10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 10.5. მხარე ვალდებულია 10.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 10.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

- 11.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების



- შესრულების შეუძლებლობის შესახებ.
- 11.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;
- 11.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

- 12.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

- 13.1. ხელშეკრულება ძალაში შედის მისი დადების დღეს და მოქმედებს, სულ მცირე 30 (ოცდაათი) დღის განმავლობაში შესყიდვის ობიექტის თანმდევი მომსახურებით მიწოდების დღიდან, მაგრამ არაუგვიანეს 2019 წლის 31 დეკემბრისა, გარდა ხელშეკრულების მე-7 და მე-8 მუხლებისა, რომელთა მოქმედების ვადა იწურება საგარანტიო პერიოდის გასვლის შემდეგ.

14. ზოგადი დებულებები

- 14.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 14.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 14.3. ხელშეკრულება შედგენილია ქართულ ენაზე, ორ თანაბარ იურიდიული ძალის მქონე ეგზემპლარად (ერთი ეგზემპლარი მიმწოდებელს, ერთი ეგზემპლარი შემსყიდველს).

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველი:

[Handwritten signature]

კობა გვენეტაძე

საქართველოს ეროვნული ბანკი
პრეზიდენტი



მიმწოდებელი:

[Handwritten signature]

ალექსანდრე ძამაშვილი

შპს „ფაუერ ითის“
დირექტორი




[Multiple handwritten signatures at the bottom of the page]


ფასების ცხრილი

№	შესყიდვის ობიექტის დასახელება	შემოთავაზებული საქონლის წარმოშობის ქვეყანა, მწარმოებელი კომპანია	შემოთავაზებული საქონლის მოდელი/სავაჭრო ნიშანი/მარკა (არსებობის შემთხვევაში)	რაოდენობა	ფასი (ლარი)	
					ერთეული	საერთო
1	მოდულური უწყვეტი კვების წყაროს სისტემა (Modular UPS System) თანმდევი მომსახურებით	მწარმოებელი - "Socomec", წარმოშობის ქვეყანა - იტალია	Moduly's GP 2.0_125KW_Batt.18 min at load 100KW	1 ცალი	236,000.00	236,000.00

შესყიდველი:



მიმწოდებელი:



კომპა გვენებებე

საქართველოს ეროვნული ბანკის
პრეზიდენტი

აღიქსნდრე მამაშვილი

შპს „ფაქტორ ითის“
დირექტორი



Handwritten signatures and initials at the bottom of the page.

ტექნიკური დავალება

საქართველოს ეროვნული ბანკის სათაო ოფისისათვის (მდებარე: თბილისი, სანაპიროს ქ. N2) მოდულური უწყვეტი კვების წყაროს სისტემის (Modular UPS System) შესყიდვა თანმდევი სამონტაჟო-გასამართი სამუშაოებით

შესყიდვის ობიექტი: მოდულური ტიპის უწყვეტი კვების წყაროს სისტემა (Modular UPS System), ნომინალური სიმძლავრით 125 კვტ, რომელიც შედგება 5 ცალი 25 კვტ სიმძლავრის მოდულისაგან. მომავალში სიმძლავრის 600 კვტ-მდე გაზრდის შესაძლებლობით.

მოდულური შესრულების სისტემა არის N+x კონფიგურაციის, რომელიც საშუალებას იძლევა UPS-ის ძალოვანი ბლოკების და აკუმულატორების დაზიანების შემთხვევაში, მათ ე.წ. „ცხელ რეჟიმში“ ჩანაცვლებას.

ტექნიკური სპეციფიკაციები:

უწყვეტი კვების წყაროს არქიტექტურა	„Online“-ტიპის, მოდულური, „Hot-swap power Moduls“, „Hot-swap battery Moduls“
უწყვეტი კვების წყაროს ტექნოლოგია	სამფაზა+ნეიტრალი, პარალელური, დეცენტრალიზირებული, ორმაგი გარდაქმნის ტექნოლოგიით
Redundancy level (რეზერვის საწყისი დონე)	N+1 (გაფართოებადი)
Input voltage (შემავალი ძაბვა)	400 ვ (3 ფაზა + ნეიტრალი)
Input voltage minimal range (შემავალი ძაბვის მინიმალური დიაპაზონი)	340 ÷ 480 ვ-მდე
Input frequency (შემავალი სიხშირე)	50/60 ჰც ± 10%
Input power factor/ THDI (შემავალი წრედის სიმძლავრის კოეფიციენტი)	> 0.99
Output voltage (გამომავალი ძაბვა)	400 ვ ± 1% (3 ფაზა + ნეიტრალი)
Output frequency (გამომავალი სიხშირე)	50/60 ჰც ± 0,1%




Voltage distortion (გამომავალი ძაბვის დამახინჯება)	<1% (ხაზოვანი დატვირთვის დროს) <4% (არაზოვანი დატვირთვის დროს IEC 62040-3 შესაბამისად)
Overload (გადატვირთვის შესაძლებლობა)	125 % 10 წუთის განმავლობაში 150 % 1 წუთის განმავლობაში
Crest factor (ამპლიტუდის კოეფიციენტი)	3:1
Efficiency (Online double conversion mode) (მარგი ქმედების კოეფიციენტი ონ-ლაინ რეჟიმში)	96.5% - მდე
აკუმულატორებიდან მუშაობის სარეზერვო დროის ხანგრძლიობა 100კვტ. დატვირთვისას	18 წუთი
აკუმულატორების მუშაობის რესურსი	10-12 წელი
სავალდებულო საკომუნიკაციო ინტერფეისი	Ethernet და SNMP
UPS-ის გაბარიტული ზომები	600x890x1975 მმ (სიგრძე, სიღრმე, სიმაღლე)
საერთაშორისო სტანდარტებთან შესაბამისობა	აკმაყოფილებს შემდეგ სტანდარტებს: EN62040-1, EN60950-1, EN62040-2 Class C2, EN 62040-3 (VFI-SS-111)
სერტიფიკაცია	CE (Conformité Européene) მარკირება
საიმედოობის მაჩვენებელი (MTBF)	არანაკლებ 600 000 საათი
გარანტია	4 წელი

1. მიმწოდებელმა უნდა განახორციელოს ძველი უწყვეტი კვების წყაროს (EMERSON/CHLORIDE 80 NET, 160 kva) დემონტაჟი და მის ადგილას ახალი UPS-ის სისტემის მონტაჟი-გამართვა და ექსპლუატაციაში გაშვება (თანმდევი მომსახურება).
2. ეროვნულ ბანკში სამუშაო პროცესის შეფერხების თავიდან ასაცილებლად, მიმწოდებელმა სამონტაჟო სამუშაოები უნდა აწარმოოს შაბათ-კვირას და უქმე დღეებში;
3. მიმწოდებელმა უნდა უზრუნველყოს მონტაჟისათვის აუცილებელი ყველა დამატებითი მასალის და კომპონენტების მოწოდება (კაბელი, ავტომატური ამომრთველები და სხვა).
4. მოწოდებული საქონელი უნდა იყოს ახალი, ექსპლუატაციაში არ მყოფი;
5. იმ შემთხვევაში, თუ ფაქტიურად მოწოდებული საქონლის რომელიმე მახასიათებელი იქნება გაუარესებული სატენდერო წინადადებით შემოთავაზებულთან შედარებით, ან მას არ ექნება CE (Conformité Européene) მარკირება, შემსყიდველს უფლება აქვს არ მიიღოს საქონელი. ასეთ შემთხვევაში მიმწოდებელს დაეკისრება ხელშეკრულების 7.1 პუნქტით გათვალისწინებული პირგასამტეხლო და კანონმდებლობით გათვალისწინებული სხვა სანქციები.

6. სამონტაჟო-გასამართი სამუშაოს დასრულების შემდეგ მიმწოდებელი ვალდებულია შემსყიდველის თანდასწრებით გამოცადოს ახლად დამონტაჟებული UPS-ის სისტემა მუშა რეჟიმში. აღნიშნული გამოცდის (ტესტირების) შედეგები უნდა დაფიქსირდეს ტესტირების ერთობლივ აქტში, სადაც აღინიშნება, რომ სისტემა აკმაყოფილებს ტექნიკური დავალებით განსაზღვრულ პირობებს. წინააღმდეგ შემთხვევაში სამუშაო მიღებული არ იქნება.

შემსყიდველი:




კობა გვენეტაძე

საქართველოს ეროვნული ბანკის
პრეზიდენტი




მიმწოდებელი:



ალექსანდრე ძამაშვილი

შპს „ფაუერ ითის“
დირექტორი







№ 3/00291

„18” 12 2018

საბანკო გარანტია #6263-12/18

გარანტი: სს „ბანკი ქართუ“ (ს/კ 204891652)
 ბენეფიციარი: საქართველოს ეროვნული ბანკი (ს/კ 203824148)
 პრინციპალი: შპს „ფაუერ ით“ (ს/კ 200091532)
 თანხა და ვალუტა: 4,720.00 (ოთხი ათას შვიდასოცი და 00/100) ლარი

ჩვენთვის ცნობილი გახდა, რომ პრინციპალმა მოწაწილობა მიიღო 2018 წლის 8 ოქტომბერს გამოცხადებულ ელექტრონული ტენდერში (SPA180007888), უწყვეტი კვების წყაროს სისტემის (UPS System) თანმდევი მომსახურებით შესყიდვაზე და გამოვლინდა გამარჯვებულად. თანახმად ბენეფიციარის 2018 წლის 11 დეკემბრის წერილისა N 2-16/4275, ხელშეკრულების გაფორმებამდე, პრინციპალის სახელშეკრულებო ვალდებულებების შესრულების უზრუნველყოფის მიზნით, ბენეფიციარის მიერ მოთხოვნილია საბანკო გარანტია გასაფორმებელი ხელშეკრულების საერთო ღირებულების 2% ოდენობით.

ზემოაღნიშნულის გათვალისწინებით და პრინციპალის თხოვნით, ჩვენ, სს „ბანკი ქართუ“ (შემდგომში „გარანტი“), ვკისრულობთ უპირობო და გამოუთხოვად ვალდებულებას ყოველგვარი დაგვიანების გარეშე, ბენეფიციარის საგადახდო მოთხოვნის მიღების თარიღიდან ხუთი სამუშაო დღის ვადაში, გადავიხადოთ ნებისმიერი თანხა ან თანხები, რომელიც (რომლებიც) საერთო ჯამში არ აღემატება 4,720.00 (ოთხი ათას შვიდასოცი და 00/100) ლარს.

მოთხოვნა ანაზღაურებაზე ბენეფიციარის მიერ წარდგენილი უნდა იყოს უფლებამოსილი პირის მიერ ხელმოწერილი და ბეჭდით (ასეთის არსებობის შემთხვევაში) დადასტურებული წერილობითი ფორმით, მოთხოვნილი თანხის (სიტყვიერად და ციფრობრივად) და ბენეფიციარის საბანკო რეკვიზიტების მითითებით, სადაც აღწერილი იქნება პრინციპალის მიერ ხელშეკრულებით ნაკისრი ვალდებულებების შეუსრულებლობის ან არასრული შესრულების ფაქტი ან ფაქტები. მოთხოვნას თან უნდა ერთვოდეს წინამდებარე საბანკო გარანტიის ასლი და მოთხოვნაზე ხელმოწერი პირის უფლებამოსილების დამადასტურებელი დოკუმენტი (ბანკი უფლებამოსილია არ მოითხოვოს აღნიშნული საბუთი, თუ ხელმოწერი პირის უფლებამოსილების შესახებ ინფორმაცია საჯაროდ ხელმისაწვდომია).

წინამდებარე საბანკო გარანტია ძალაშია 2019 წლის 29 მარტის ჩათვლით.

აღნიშნულიდან გამომდინარე, საგადახდო მოთხოვნის ორიგინალი წარდგენილი უნდა იყოს გარანტიის ვადის გასვლამდე შემდეგ მისამართზე: ს.ს. „ბანკი ქართუ“, 0162 ქ. თბილისი, ილ. ჭავჭავაძის გამზ. #39ა, კანცელარიაში, სამუშაო საათებში (10:00 - 17:30).

წინამდებარე საბანკო გარანტია ავტომატურად გაუქმდება: ა) ბენეფიციარის მიერ თავის უფლებებზე წერილობითი უარის წარმოდგენისა და/ან გარანტიის ორიგინალის დაბრუნებით გარანტისათვის; ბ) ამ საბანკო გარანტიის ვადის გასვლით; გ) ბენეფიციარისათვის იმ თანხის გადახდით, რომელზეც გაიცა გარანტია.

ბენეფიციარის მოთხოვნის უფლების გადაცემა მესამე პირზე შესაძლებელია მხოლოდ გარანტის თანხმობით.

საბანკო გარანტიის გარშემო წარმოქმნილი ნებისმიერი დავის გადაჭრა მოხდება საქართველოს მოქმედი კანონმდებლობის თანახმად.

ზურაბ გოგუა

კომერციული დირექტორი

